



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 61. An omnes opiniones sint æquè tutæ, & quænam censeantur
tutiores.

urn:nbn:de:hbz:466:1-42634

fecerunt tamen illud controversum aliqui, præser-
tim ex Gallia, qui existimantes sententiam de usu
licito opinionum probabilium faventium libertati
contra legem incertam, esse fontem omnium laxi-
tatum in Theologia morali, zelo bono, sed non se-
cundum scientiam moti, voluerunt semper standum
esse pro lege licet incerta contra libertatem. Ut hæc
recte intelligantur, sit

*Q. 61. An omnes opiniones sint æquè tutæ; &
quænam censeantur tutiores. R.*

§. I. *Io. Sanch Caram.* *Illiſ. t. I. d. 1. n. 66.* alii-
que multi apud Moyam de op. prob. q. 6. §. 7. di-
cunt omnes verè probabiles esse æquè tutas quoad
imputabilitatem, quia sive quis operetur secundum
hanc sive secundum illam, certus est se nullo modo
peccare: sed contraria est, nam in primis non omnes
sunt æquè tutæ materialiter, ut certum est, quia li-
cet operans secundum hanc vel illam nullo modo
peccet formaliter, operans tamen secundum illam,
quæ re ipsa falsa est, peccat materialiter contra legem,
licet hanc invincibiliter ignoret, quia facit hoc
quod re ipsa est prohibitum, & in se displicens Deo.
Deinde quamvis operans secundum probabilem fa-
ventem libertati, moraliter fit certus se non peccare
formaliter, ut dubio præced. dictum est, tamen ope-
rans secundum probabilem faventem legi adhuc est
certior, quod hoc agendo non peccet formaliter, est
enim de hoc quasi metaphysicæ certus, ergo in ulti-
mo casu format dictamen conscientiae longè certius
& firmius, dictamen autem certius & firmius magis
removet à periculo peccandi formaliter, ergo hoc
sensu una opinio probabilis est etiam formaliter tu-
tior, quam altera, uti recte *Moya* n. 56.

§. II. Illa opinio dicitur tutior, quæ magis re- 473
cedit à periculo legis tam materialiter quam forma-
liter

liter violandæ aut alterius mali incurrendi, v. g. hæc, non est licitum habere plures præbendas, est tutior, quia qui secundum hanc opinionem non habet plures præbendas, certè non ideo peccat; è contrà si habeat plures, fortè ideo peccat materialiter, quia fortè illicitum est habere plures, quamvis etiam supponamus ipsi probabilius esse, quod sit licitum habere plures; ex quo patet opinionem probabiliorem non semper esse tutiorem, quia potest esse falsa, ac consequenter inducere in peccatum materiale, à quo removet opposita minùs probabilis.

473

§. III. Illa dicitur minùs tuta, quæ minùs removet à periculo legis saltem materialiter violandæ aut alterius mali incurrendi, ut illa, licitum est habere plures præbendas, secundum jam dicta. Quandoque tò minùs tuta, significat idem, quod non satis tuta nec licitè practicabilis, quod colligendum est ex circumstantiis verborum.

474

§. IV. Si ex utraque parte sit periculum peccati, illa est tutior, quæ removet à majore periculo simpliciter, vel à periculo majoris peccati, v. g. invenis moribundum dubiè dispositum, quem si non absolvas, exponis te periculo peccandi contra charitatem, quia non succurris proximo in extrema forte necessitate periclitanti de salute; è contrà si absolvias, exponis te etiam periculo peccandi, quia fortè conficies irritum Sacramentum, quæ est irreverentia in Auctorem Sacramenti: in hoc casu opinio tutior est, quæ dicit absolvendum, quia non absolyendo, imprimis incurrit majus periculum peccandi saltem materialiter, quia longè probabilius est te in eo casu teneri absolvere saltem sub conditione: deinde exponis te periculo majoris peccati, nempe contra charitatem, quæ est prima virtus, & excusat, si quæ fiat materialis irreverentia occasione Sacramenti propter homines institutæ.

§. V.

§. V. Caramuel putat opiniones laxiores, si sunt
verè probabiles, esse omnium tutissimas, quia si quis
velit sequi strictiores, obligabit se & alios ad res diffi-
cillimas, ac continuò exponet plurimis periculis
peccandi, partim ex malitia, partim ex negligentia,
partim ex fragilitate humana: sed Auctor ille non
sumit, *tutius*, in ea significatione, in qua jam defini-
vimus, nam certum est, quòd sequens sententiam ri-
gidam faventem legi magis recedat à periculo pecca-
titam materialis quam formalis, & sequens laxam
faventem libertati magis se exponat periculo peccati
saltem materialis; Unde *Eph.* in app. a. 219. & seqq.
rectè ista sic componit, ut fateatur *tutius* esse operari
hoc, quod vult rigida sententia, attamen periculosius
esse operari ex obligatione rigidæ sententiae, sicuti *tutius*
erat Christianos abstinere à cibis lege veteri pro-
hibitis, uti volebat *S. Petrus*, attamen periculosius
erat eos abstинere tanquam ex obligatione, hinc
S. Paulus in faciem restitit *Petro*, uti expendit *S. Th.*
lect. 3. ad c. 2. Epist. ad Galatas. In eundem sensum
dicit *Silvestr. V. Confessio* 2. q. 2. n. 4. licet sit *tutius*
statim confiteri quam differre, non tamen *tutius*
est tenere, quòd sic obligemur, quia viri timorati ba-
berent maximas occasiones peccandi: & ideo etiam
Palav. I. 2. d. 9. q. 4. a. 2. n. 12. sapienter dixit, *lex*,
per quam iuberemur facere omnia optima, esset pes-
simus & inobservabilis, ac perpetua causa peccati &
damnationis. In eundem sensum ait *Suar. T. 2.* de
relig. t. 4. l. 2. c. 33. n. 3. loquens de benigna interpre-
tatione juramenti, neque tunc omittitur pars *tutior*,
quia hac est tutissima & prædictè certa, & secun-
dum rectam rationem & interpretationem potest
dici *tutior*, quia maius periculum animarum incur-
reretur, si tot vincula in casibus dubiis, eis inice-
rentur. Vide dicenda n. 310.

Q. 62.